

Y Pwyllgor Busnes

Lleoliad: **Swyddfa'r Llywydd, 4ydd Llawr, Tŷ Hywel**

Dyddiad: **Dydd Mawrth, 25 Tachwedd 2014**

Amser: **08.30 – 08.39**

Cynulliad
Cenedlaethol
Cymru

National
Assembly for
Wales



Cofnodion: Preifat

Aelodau'r Pwyllgor:

Y Fonesig Rosemary Butler (Cadeirydd)
Paul Davies
Jane Hutt
Elin Jones
Aled Roberts

Staff y Pwyllgor:

Aled Elwyn Jones (Clerc)

Eraill yn bresennol:

David Melding AC, Y Dirprwy Lywydd
Christopher Warner, Pennaeth Gwasanaeth y Pwyllgorau
Polisi a Deddfwriaeth
Siân Wilkins, Pennaeth Gwasanaeth y Siambr a
Phwyllgorau
Craig Stephenson, Cyfarwyddwr Dros Dro Gwasanaethau'r
Comisiwn
Peter Greening, Llywodraeth Cymru

1 Ymddiheuriadau a chyhoeddiadau

2 Cofnodion y cyfarfod blaenorol

Nododd y Pwyllgor y cofnodion i'w cyhoeddi.

3 Trefn busnes

3.1 Busnes yr wythnos hon

Bydd y Cyfnod Pleidleisio ddydd Mawrth ar ôl yr eitem olaf o fusnes. Cytunodd y Pwyllgor Busnes y dylid cynnal y Cyfnod Pleidleisio cyn y Ddadl Fer ddydd Mercher.

3.2 Amserlen Busnes y Llywodraeth ar gyfer y tair wythnos nesaf

Nododd y Pwyllgor Busnes Amserlen Busnes y Llywodraeth ar gyfer y tair wythnos nesaf.

3.3 Amserlen Busnes y Cynulliad ar gyfer y tair wythnos nesaf

Penderfynodd y Pwyllgor Busnes ar drefn y busnes a chytunodd i amserlennu'r eitemau a ganlyn:

Dydd Mercher 10 Rhagfyr 2014

- Dadl gan Aelodau Unigol o dan Reol Sefydlog 11.21(iv) (60 munud)

Dydd Mercher 14 Ionawr 2015

- Dadl ar Adroddiad y Pwyllgor Cyfrifon Cyhoeddus ar Gyflogau Uwch-reolwyr (60 munud)
- Amser a neilltuwyd i'r Ceidwadwyr Cymreig (60 munud)
- Amser a neilltuwyd i Blaid Cymru (60 munud)

Cytunodd y Pwyllgor Busnes i ail-amserlennu'r eitem ganlynol o fusnes:

Dydd Mercher 10 Rhagfyr 2014

- Amser a neilltuwyd i'r Ceidwadwyr Cymreig (†20 60 munud)

3.4 Dadl Aelod Unigol: Dewis y Cynnig ar gyfer y Ddadl

Oherwydd ansawdd uchel y cynigion a gyflwynwyd, dewisodd y Pwyllgor Busnes y pedwar cynnig. Bydd dyddiadau'r cynigion ar gymorth i farw ac awtistiaeth yn y flwyddyn newydd, a bydd y Pwyllgor Busnes yn penderfynu arnynt yn y dyfodol.

Dydd Mercher 3 Rhagfyr 2014

NNDM5625

Mike Hedges (Dwyrain Abertawe)

Jocelyn Davies (Dwyrain De Cymru)

Peter Black (Gorllewin De Cymru)

Cynnig bod Cynulliad Cenedlaethol Cymru:

Yn credu y dylid datganoli plismona (heblaw am Asiantaeth Troseddu Cenedlaethol y DU a diogelwch gwladol).

Dydd Mercher 10 Rhagfyr 2014

NNDM5630

Antoinette Sandbach (Gogledd Cymru)

Bethan Jenkins (Gorllewin De Cymru)

Jenny Rathbone (Canol Caerdydd)

Cynnig bod Cynulliad Cenedlaethol Cymru:

1. Yn nodi:

a) bod menywod wedi gwneud cyfraniad enfawr i fywyd gwaith Cymru ac yn parhau i fod yn rhan hanfodol o economi Cymru;

b) ei bod bron i 100 mlynedd ers i fenywod gael y bleidlais a bron i 40 mlynedd ers y Ddeddf Cyflog Cyfartal;

c) bod gan Lywodraeth Cymru ran bwysig i'w chwarae o ran sicrhau nad oes gwahaniaethu sefydliadol yn digwydd yn y gweithle.

2. Yn galw ar Lywodraeth Cymru i beidio â dyfarnu contractau caffael neu arian grant Llywodraeth Cymru i gwmnïau nad oes ganddynt unrhyw gyfarwyddwyr benywaidd ar eu byrddau.

Dyddiad i'w benderfynu

NNDM5636

Simon Thomas (Canolbarth a Gorllewin Cymru)

Julie Morgan (Gogledd Caerdydd)

Mick Antoniw (Pontypridd)

Alun Ffred Jones (Arfon)

Angela Burns (Gorllewin Caerfyrddin a De Sir Benfro)

Cynnig bod Cynulliad Cenedlaethol Cymru:

Yn cefnogi egwyddorion y Bil Cymorth i Farw.

Mae'r Bil Cymorth i Farw ar gael yn:

<http://services.parliament.uk/bills/2014-15/assisteddying.html>

Dyddiad i'w benderfynu

NNDM5639

Mark Isherwood (Gogledd Cymru)

Cynnig bod Cynulliad Cenedlaethol Cymru:

1. Yn croesawu llwyddiant Cynllun Gweithredu Strategol Anhwylder ar y Sbectrwm Awtistig Llywodraeth Cymru.
2. Yn nodi bod mwy i'w wneud i gwrdd ag anghenion plant ac oedolion ag awtistiaeth yng Nghymru.
3. Yn credu y byddai gosod dyletswyddau penodol ar awdurdodau lleol a byrddau iechyd yn arwain at fwy o eglurder ynghylch y gofal a'r cymorth y gall pobl ag awtistiaeth ei ddisgwyl.
4. Yn galw ar Lywodraeth Cymru i gyflwyno Deddf Awtistiaeth ar gyfer Cymru.

Mae Cynllun Gweithredu Strategol Anhwylder ar y Sbectrwm Awtistig Llywodraeth Cymru ar gael yn:

4 Deddfwriaeth

4.1 Memorandwm Cydsyniad Deddfwriaethol Atodol: Y Bil Dadreoleiddio

Trafododd y Pwyllgor Busnes bapur gan y Llywodraeth ynghylch Memorandwm Cydsyniad Deddfwriaethol Atodol mewn perthynas â'r Bil Dadreoleiddio.

Cytunodd y Rheolwyr Busnes i gyfeirio'r Memorandwm Cydsyniad Deddfwriaethol Atodol i'r Pwyllgor Amgylchedd a Chynaliadwyedd ar gyfer craffu arno. Cytunodd y Pwyllgor Busnes hefyd y dylai'r Pwyllgor gyflwyno adroddiad ar y Memorandwm Cydsyniad Deddfwriaethol Atodol erbyn dydd Iau 8 Ionawr 2015 er mwyn i'r Cynnig Cydsyniad Deddfwriaethol Atodol gael ei drafod yn y Cyfarfod Llawn ddydd Mawrth 13 Ionawr 2015.